



Bosnia and Herzegovina  
Federation of Bosnia and Herzegovina

CANTON SARAJEVO  
ASSEMBLY

**Komisija za izbor i imenovanja  
i administrativna pitanja**

Broj: 01-04-9629/20  
Sarajevo, 24.12.2020.godine

ZASTUPNICIMA/POSLANICIMA  
U SKUPŠTINI KANTONA SARAJEVO

PREDMET: Prijedlog Odluke o potvrđivanju Vlade Kantona Sarajevo-dostavlja se

Komisija za izbor i imenovanja i administrativna pitanja Skupštine Kantona Sarajevo, na sjednici održanoj dana 24.12.2020. godine, u skladu sa čl. 37., 204. i 205. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20 i 14/20) utvrdila je Prijedlog Odluke o potvrđivanju Vlade Kantona Sarajevo, koju vam dostavljamo uz biografije kandidata na razmatranje i donošenje.

S poštovanjem,



PREDSJEDAVAJUĆA KOMISIJE

Danijele Kristić



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax:+ 387 (0) 33 562-210  
Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Na osnovu člana 37. Poslovnika Skupštine Kantona Sarajevo („Službene novine Kantona Sarajevo“, broj: 41/12-Dруги нови преčišчени текст, 15/13, 47/13, 47/15, 48/16, 9/20 i 14/20), Komisija za izbor i imenovanja i administrativna pitanja, na sjednici održanoj dana 24.12.2020. godine, donijela je

**ODLUKU  
O POTVRĐIVANJU VLADE KANTONA SARAJEVO**

**I**

Potvrđuje se Vlada Kantona Sarajevo u sastavu:


Edin Forto, premijer

1. Admir Katica, Ministarstvo unutrašnjih poslova;
2. Adnan Delić, Ministarstvo privrede;
3. Adnan Šteta, Ministarstvo saobraćaja;
4. Davor Čičić, Ministarstvo finansija;
5. Enver Hadžiahmetović, Ministarstvo komunalne privrede, infrastrukture, prostornog uređenja, građenja i zaštite okoliša;
6. Haris Vranić, Ministarstvo zdravstva;
7. Ivana Prvulović, Ministarstvo za rad, socijalnu politiku, raseljena lica i izbjeglice;
8. Lejla Brčić, Ministarstvo pravde i uprave;
9. Melika Husić-Mehmedović, Ministarstvo za nauku, visoko obrazovanje i mlade;
10. Naida Hota-Muminović, Ministarstvo za odgoj i obrazovanje;
11. Omer Osmanović, Ministarstvo za boračka pitanja;
12. Samir Avdić, Ministarstvo kulture i sporta.

**II**

Potvrđivanjem Vlade Kantona Sarajevo, razrješava se Vlada koja je razrješena na sjednici Skupštine Kantona Sarajevo Odlukom broj: 01-04-48037/20 od 30.11.2020. godine.

Broj: 01-04-9629/20  
24.12.2020.godine



**PREDSJEDAVAJUĆA KOMISIJE**  
Danijela Kristić



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Na osnovu člana 27. Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17) i člana 205. stav 1. Poslovnika Skupštine Kantona Sarajevo („Službene novine Kantona Sarajevo“, broj: 41/12-Dруги нови преčišчени текст, 15/13, 47/13, 47/15, 48/16, 9/20 i 14/20), na sjednici održanoj dana .2020. godine, Skupština Kantona Sarajevo donijela je:

**PRIJEDLOG**

**ODLUKU  
O POTVRĐIVANJU VLADE KANTONA SARAJEVO**

**I**

Potvrđuje se Vlada Kantona Sarajevo u sastavu:

Edin Forto, premijer

1. Admir Katica, Ministarstvo unutrašnjih poslova;
2. Adnan Delić, Ministarstvo privrede;
3. Adnan Šteta, Ministarstvo saobraćaja;
4. Davor Čičić, Ministarstvo finansija;
5. Enver Hadžiahmetović, Ministarstvo komunalne privrede, infrastrukture, prostornog uređenja, građenja i zaštite okoliša;
6. Haris Vranić, Ministarstvo zdravstva;
7. Ivana Prvulović, Ministarstvo za rad, socijalnu politiku, raseljena lica i izbjeglice;
8. Lejla Brčić, Ministarstvo pravde i uprave;
9. Melika Husić-Mehmedović, Ministarstvo za nauku, visoko obrazovanje i mlade;
10. Naida Hota-Muminović, Ministarstvo za odgoj i obrazovanje;
11. Omer Osmanović, Ministarstvo za boračka pitanja;
12. Samir Avdić, Ministarstvo kulture i sporta.

**II**

Potvrđivanjem Vlade Kantona Sarajevo, razrješava se Vlada koja je razrješena na sjednici Skupštine Kantona Sarajevo Odlukom broj: 01-04-48037/20 od 30.11.2020. godine.

**III**

Ova odluka stupa na snagu danom donošenja i objavit će se u „Službenim novinama Kantona Sarajevo“.

Broj: 01-04- 20  
.2020.godine  
SARAJEVO

**PREDSJEDAVAJUĆI  
SKUPŠTINE KANTONA SARAJEVO**

Elvedin Okerić



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1



Edin Forto  
Kandidat za premijera Kantona Sarajevo

Sarajevo, 24.12.2020

**SKUPŠTINA KANTONA SARAJEVO**  
n/r Elvedin Okerić, predsjedavajući

Republika Hercegovina  
Federacija Bosne i Hercegovine  
KANTON SARAJEVO

PRILOG	24-12-2020		
Organizacija	Broj	Kredni broj	Broj priloga
01	04	50773	

**PREDMET:** Dostava prijedloga ministara-članova Vlade Kantona Sarajevo

Poštovani Predsjedavajući,

U skladu sa članom 204. Poslovnika Skupštine Kantona Sarajevo ( Službene novine Kantona Sarajevo broj 41/12-Drugi prečišćeni tekst, 15/13, 47/15 i 48/16,) dostavljam Vam prijedlog kandidata za ministre u Vladi kantona Sarajevo, uz molbu da prijedlog prosljedite Komisiji za izbor i imenovanja, s ciljem utvrđivanja prijedloga odluke o potvrđivanju Vlade Kantona Sarajevo.

S poštovanjem.

Kandidat za Premijera

Edin Forto

Prilog: Prijedlog kandidata po ministarstvima sa biografijama

## **Ministri i ministrice u novoj Vladi Kantona Sarajevo**

Stranke Četvorke i Klub samostalnih zastupnika u Skupštini Kantona Sarajevo usaglasili su prijedlog imena ministara i ministrice u novoj kantonalnoj Vladi. Edin Forto kandidat je Naše stranke za premijera Vlade; Admir Katica kandidat je NiP-a za ministra unutrašnjih poslova; Adnan Delić kandidat je NiP-a za ministra privrede; Adnan Šteta kandidat je SDP-a za ministra saobraćaja; Davor Čičić kandidat je SDP-a za ministra finansija; Enver Hadžiahmetović kandidat je NiP-a za ministra komunalne privrede, infrastrukture, prostornog uređenja, građenja i zaštite okoliša; Haris Vranić kandidat je SDP-a za ministra zdravstva; Ivana Prvulović kandidatkinja je NiP-a za ministricu za rad, socijalnu politiku, raseljena lica i izbjeglice; Lejla Brčić kandidatkinja je Naše stranke za ministricu pravde i uprave; Melika Husić-Mehmedović kandidatkinja je Kluba samostalnih zastupnika za ministricu nauke, visokog obrazovanja i mladih; Naida Hota-Muminović kandidatkinja je NiP-a za ministricu odgoja i obrazovanja; Omer Osmanović kandidat je NiP-a za ministra za boračka pitanja; Samir Avdić kandidat je NiP-a za ministra kulture i sporta.

U nastavku dostavljam njihove kratke biografije.

**Edin Forto (kandidat Naše stranke za premijera Vlade Kantona Sarajevo)** rođen je 1972. godine u Sarajevu. Bio je direktor NEXE grupe. Prije toga je radio kao politički konsultant u New Yorku. Završio je Drugu gimnaziju u Sarajevu, a zatim University of North Carolina at Chapel Hill School of Journalism and Mass Communication, smjer Advertising, te Columbia University School of International and Public Affairs, smjer International Finance and Business. Biran je za zastupnika u Skupštini Kantona Sarajevo 2014. i 2018. godine te je bio i delegat u Domu naroda Parlamenta Federacije iz reda Ostalih u mandatu 2014. – 2018. godine. Godine 2018. imenovan je na poziciju premijera Kantona Sarajevo. Nakon smjene Vlade Šestorke radio je kao politički direktor Naše stranke. Govori engleski, a poznaje i njemački jezik. Oženjen je i otac dvoje djece.

**Admir Katica (kandidat NiP-a za ministra unutrašnjih poslova)** rođen je 1975. godine. Diplomirao je na Fakultetu kriminalističkih nauka, a magistrirao na Pravnom fakultetu u Sarajevu. Završio je i Londonsku školu za odnose s javnošću LSPR te Media centar Sarajevo i Centar za strateško komuniciranje London. Usavršavao se u odnosima s javnošću i u Ministarstvu unutrašnjih poslova Republike Austrije. Stručno usavršavanje imao je i na Policijskoj akademiji Baton Rouge, Univerzitet Louisiana te pri Federalnom ministarstvu unutrašnjih poslova. Zadnji radni angažman imao je na poziciji šefa Kabineta Predsjedništva

Visokog sudskog i tužilačkog vijeća BiH. U Vladi Šestorke također je bio ministar unutrašnjih poslova. Govori engleski jezik.

**Adnan Delić (kandidat NiP-a za ministra privrede)** rođen je 1985. godine u Doboju. Fakultet sporta i tjelesnog odgoja Univerziteta u Sarajevu završio je 2016. godine. Dvije godine kasnije bio je polaznik referentnog integratorskog workshopa Adizes Southeast Europe, a od 2019. godine pohađa ALP – Adizes Leadership Program. Posjeduje bogato radno iskustvo u realnom sektoru. Od 2008. do 2009. godine bio je prodajni predstavnik firme Andrea & Giovanni. U istoj firmi radio je od 2010. do 2017. godine. U periodu od 2017. do kraja 2018. godine, u jednoj od najreprezentativnijih bosanskohercegovačkih IT kompanija Imtec d.o.o., obnašao je funkciju pomoćnika generalnog menadžera. U istoj kompaniji, u periodu od 2018. do 2020. godine, bio je direktor marketinga. Osnivač je i predsjednik sportske asocijacije Fair Play te osnivač i predsjednik Upravnog odbora udruženja Dobro.ba, čiji je osnovni cilj pokazati humanost na djelu. Govori engleski jezik. Oženjen je i otac dvoje djece.

**Adnan Šteta (kandidat SDP-a za ministra saobraćaja)** rođen je 1980. godine u Mostaru. Ekspert je iz oblasti ekonomije s velikim iskustvom u segmentu kriznog menadžmenta i prodaje. Kao konsultant je radio s velikim svjetskim konsultantskim kućama, kao što su McKinsey & Company i Horn & Company gdje je radio na projektu spajanja Konzuma i Mercatora nakon što je Agrokor preuzeo Mercator i implementaciji category management procesa u Bosni i Hercegovini. Šteta je proveo jedanaest godina kao uposlenik Agrokorovog koncerna gdje je obavljao poslove direktora društva Velpro d.o.o. Sarajevo kao i izvršnog direktora i člana uprave Konzum d.o.o. Sarajevo BiH. Prije prelaska u Agrokorov koncern, obavljao je poslove voditelja maloprodaje za bosanskohercegovačku kompaniju Drvopromet d.o.o. Sarajevo kao i za talijanski brend Pitarello. Svoju radnu karijeru je započeo 1999. godine u italijanskoj humanitarnoj organizaciji Luciano Lamma gdje je bio voditelj programa i projekata te organizacije, kao što je održavanje kontakata sa svim domovima za nezbrinutu djecu u Bosni i Hercegovini. Šteta je trenutno član Uprave i direktor maloprodaje, nabave i marketinga jedne od najvećih naftnih kompanija u BiH društva Hifa Petrol d.o.o Sarajevo. U Vladi Šestorke također je obnašao funkciju ministra saobraćaja. Oženjen je i ima jedno dijete.



**Davor Čičić (kandidat SDP-a za ministra finansija)** rođen je u Sarajevu 1979. godine. Diplomirao je na Ekonomskom fakultetu Univerziteta u Sarajevu 2006. godine. Certificirani je računovođa. Radio je za firme članice Merkur grupe Slovenija, kakve su Intermerkur Nova d.o.o. te Mersteel d.o.o., obje smještene u Sarajevu. Nakon tog iskustva, zapošljava se u sarajevskom Kiseljaku u kojem je obnašao različite funkcije, a posljednja je direktor društva. Govori engleski jezik.

**Enver Hadžiahmetović (kandidat NiP-a za ministra komunalne privrede, infrastrukture, prostornog uređenja, građenja i zaštite okoliša)** rođen je 1964. godine u Sarajevu. U Sarajevu je, na Mašinskom fakultetu, i diplomirao 1991. godine. Posljednji radni angažman imao je na poziciji generalnog direktora u KJKP Vodovod i kanalizacija Sarajevo. Prije toga bio je direktor Javnog preduzeća Komunalno u Brezi. Obnašao je i niz drugih odgovornih funkcija: zamjenik ministra prometa i komunikacija ZDK; šef Odjela kriminalističke policije u MUP-u ZDK; menadžer za ljudske resurse i sigurnost u firmi Atom Holding iz Dubaija na projektu proširenja časnog harema u Meki; u Glavnom uredu Granične policije BiH u Sarajevu bio je inspektor za sigurnost aerodroma, načelnik operativno-komunikacijskog centra, šef Odsjeka za međunarodnu saradnju i obuku te samostalni inspektor za unutrašnju kontrolu. Obavljao je i niz drugih poslova. Poznaje engleski, njemački i turski jezik.

**Haris Vranić (kandidat SDP-a za ministra zdravstva)** rođen je 1965. godine u Sarajevu. Diplomirao je na Medicinskom fakultetu u Sarajevu 1990. godine. Na istom fakultetu je i magistrirao i doktorirao. Radio je na „Klinik Dardenne“ na Odjelu za anesteziju i reanimaciju, zatim na Kliničkom centru Univerziteta u Sarajevu na Klinici za vaskularnu hirurgiju, na Klinici za vaskularnu i endovaskularnu hirurgiju Klinike Ludwigsburg u Njemačkoj kao Facharzt – nastavna baza Univerziteta Heidelberg, trenutno je angažiran kao vanredni profesor Medicinskog fakulteta SSST Univerziteta gdje je i prodekan za nastavu te šef Katedre za hirurgiju. Od 2020. godine zaposlenik je Opće bolnice “Prim. Dr Abdulah Nakaš”. Objavio je 30 radova u indeksiranim časopisima, tri dijagnostičko-terapeutska vodiča, tri monografije i dva udžbenika.

Predsjednik je Udruženja vaskularnih hirurga u BiH te član Ljekarske komore Savezne pokrajine Baden-Wurtemberg, Evropskog udruženja vaskularnih i endovaskularnih hirurga i Evropskog udruženja perkutanih kardiovaskularnih intervencionista.

U agresiji na BiH od maja 1992. godine bio je ljekar pri Vojnoj policiji, a od oktobra iste godine pripadnik Armije BiH kao ljekar u sanitetu 102 Mbrg Prvog korpusa ARBiH.

Govori engleski i njemački jezik. Stalni je sudski vještak iz oblasti medicine. Oženjen je i otac dvoje djece.

**Ivana Prvulović (kandidatkinja NiP-a za ministricu za rad, socijalnu politiku, raseljena lica i izbjeglice)** rođena je 1984. godine u Sarajevu. Diplomirala je na Pravnom fakultetu Univerziteta u Sarajevu 2007. godine gdje trenutno treba i da magistrira. Osim formalnog obrazovanja, znanje je sticala i na brojnim stručnim edukacijama, konferencijama i obukama. Iza nje je preko 13 godina rada u struci. Od 2016. upisana je u Imenik Advokatske komore FBiH, a prije nego što je počela raditi kao advokatica, bila je zastupnica za patente, saradnica na zaštiti prava industrijskog vlasništva u Agenciji za zaštitu industrijske svojine, sekretarka u Državnoj komisiji za granicu BiH te asistentica za marketing i promociju u Proeventu. Govori engleski i španski, a ima osnovna znanja iz njemačkog, talijanskog i turskog.

**Lejla Brčić (kandidatkinja Naše stranke za ministricu pravde i uprave)** rođena je 1981. godine u Tuzli. Diplomirala je na Pravnom fakultetu Univerziteta u Sarajevu. Od 2009. godine ima položen pravosudni ispit. Radila je kao pravica u sektoru predškolskog obrazovanja, finansija (MF Prizma) i zdravstva (Zavod zdravstvenog osiguranja KS). Bila je kandidatkinja Naše stranke za načelnicu Općine Novi Grad Sarajevo na lokalnim izborima 2016. godine. Već je jednom obnašala funkciju ministricice pravde KS, od kraja 2018. do početka 2020. Govori engleski jezik. Lejla je udata i majka je jednog djeteta.

**Melika Husić-Mehmedović (kandidatkinja Kluba samostalnih zastupnika za ministricu nauke, visokog obrazovanja i mladih)** rođena je u Sarajevu 1979. godine. Diplomirala je na Ekonomskom fakultetu Univerziteta u Sarajevu 2002. godine. Magistrirala je u Zagrebu, a doktorsku disertaciju odbranila je 2009. također na Ekonomskom fakultetu u Sarajevu gdje je stekla i zvanje redovne profesorice. Od 2007. do 2010. bila je direktorica Centra za interdisciplinarnu postdiplomske studije Univerziteta u Sarajevu. Autorica je i koautorica brojnih stručnih i naučnih radova te dobitnica brojnih individualnih i kolektivnih internacionalnih nagrada i priznanja iz oblasti komunikacija i marketinga. Govori engleski, talijanski i njemački jezik.

**Naida Hota-Muminović (kandidatkinja NiP-a za ministricu odgoja i obrazovanja)** rođena je 1981. godine u Sarajevu. U Sarajevu je diplomirala na Odsjeku za engleski jezik i književnost Filozofskog fakulteta te na Pravnom fakultetu. Trenutno pohađa postdiplomski studij na Odsjeku za menadžment Ekonomskog fakulteta u Sarajevu. Profesorsku karijeru



počela je u Bošnjačkoj gimnaziji gdje je posljednjih pet godina bila i direktorica. Učesnica je brojnih seminara i konferencija o temama iz struke. Također, bila je i članica Komisije za izradu teksta Nacrta zakona o srednjem obrazovanju Kantona Sarajevo. Prevoditeljica je djela „Čitanje muslimanskog uma“, autora Hasana Hathouta. Osim engleskog, govori i njemački jezik. Udata je i majka je dvoje djece

**Omer Osmanović (kandidat NiP-a za ministra za boračka pitanja)** rođen je 1968. godine. Diplomirao je na Fakultetu sporta i tjelesnog odgoja Univerziteta u Sarajevu 2011. godine. Na istom fakultetu odbranio je i doktorsku disertaciju 2019. godine. Najveći dio radnog iskustva stekao je u polju sigurnosti, gdje je radio na obezbjeđenju ličnosti i objekata te kao specijalni policajac. Kandidatura za poziciju ministra za boračka pitanja zatiče ga na poziciji direktora firme TEH d.o.o. Sarajevo. Za vojne zasluge u odbrambeno-oslobodilačkom ratu od 1992. do 1995. dobio je odlikovanje „Srebrna policijska zvijezda“. Dobitnik je i nagrade „Franklin Award“ za posebne zasluge tokom rada u Ambasadi SAD-a u BiH, koja mu je uručena u ime Ministarstva vanjskih poslova SAD-a. Poznaje engleski jezik.

**Samir Avdić (kandidat NiP-a za ministra kulture i sporta)** rođen je 1967. godine u Sarajevu. Magistar je menadžmenta u sportu, a obrazovanje je stekao na Fakultetu za sport i tjelesni odgoj Univerziteta u Sarajevu. Iza sebe ima bogatu sportsku karijeru. Kad je o klupskom sportu riječ, prošao je sve etape razvoja, od pionira do seniora u KK Bosna, a igrao je i za španske i turske klubove. Kad je riječ o nastupima za reprezentaciju, sa juniorskom reprezentacijom Jugoslavije osvojio je zlatne medalje na prvenstvu Balkana, Evrope i svijeta, a sa A košarkaškom reprezentacijom Jugoslavije osvojio je zlatnu medalju na prvenstvu Balkana. Imao je i 55 nastupa za košarkašku reprezentaciju BiH. Radno iskustvo sticao je na menadžerskim i trenerskim pozicijama u sportu (košarci), a njegov širi socijalni angažman vidljiv je kroz humanitarni rad preko organizacije Dobro.ba čiji je jedan od osnivača. Aktivno govori engleski, španski i turski jezik.